

ուեան գետոյն ընթացքը, որ 3—4 ժամ կը տևէ. հարաւն Մզրախ և Բրձօյի շղթայն, արևմուտքը՝ Շեռեանայ և Խալեազի մէջ բարձրացած կէլին (հարս) և Բարազան հսկայ լեռներն, իսկ ի հիւսիսից՝ Կուռիս լեռան ի հարաւ արևելս իջնալով սպառուած ձիւղն:

Շեռեան աջ կողմէն այս ընթացքի մէջ երեք ջրեր կրնդունի:

1. Կէլեանայ ջուր, որ Բարազան մեծ լեռնէ կիջնայ, 4 ժամէն կխառնուի Շեռեանայ:

2. Այիգանայ ջուր որ կէլին և Մզրախ սարերէն կիջնայ:

3. Մզրախ և Բրձօյի կիրճերէն 2 բարակ ջրեր կիջնան, $\frac{1}{2}$ ժամ իրարմէ հեռուն կրնթանան և կը խառնուին ուղղակի Շեռեանայ:

Շեռեանայ ձախ ափին վերայ կան չորս գիւղ, որ Շեռեանայ գլխու մօտ լինելուն՝ Շեռեանայ գլխու Միւտիւրութեան կը ստականին, որք են:

1. ԽԱՆՆՈՅ.—Ոչխարաց գոմի վայր է 5 տուն ք. բնակչօք, կը գտնուի գետէն քիչ հեռի՝ լեռան կողի վերան, ուր ոչխարներ կը ձմեռեն:

2. ՌԱՄԻԿԱՆ.—Խանոյի 1 ժամ արևելքն՝ $\frac{1}{4}$ ժամ գետէն հեռի, Զեռեան հայ գիւղէ երկու ժամ հարաւ՝ 25 տուն ք. բն. ունի և զաղթական թուրքերով խառն:

3. ՇԱՀՆԱԶԱՐ կամ Վերին գիւղ.—Այս գիւղը Ռամիկանէ 1 ժամ արևելեան հարաւ՝ 20 տուն ք. բն.

4. ՄԱՐՏՈՅ.—Շահնազարից 1 ժամ արևելք, ջրի ափին վերայ, Խաստուր հայ գիւղից 1 ժամ յարևմուտս 30 տուն ք. բնակչօք: